

شهادات مفزعة عن الإهمال الطبي في سجون الانقلاب



الخميس 6 أكتوبر 2016 11:10 م

تزايد حديث ذوو المعتقلين والحقوقيون والمحامون عبر وسائل التواصل الاجتماعي عن حالات الإهمال الطبي المتعمد، خاصة مع تكرار حالات الوفيات داخل المعتقلات مؤخرا

وبعد وفاة الشاب مهند إيهاب أطلق النشطاء حملة "الإهمال الطبي قتل متعمد" لتوثيق حالات الإهمال التي يواجهها المعتقلون في أماكن الاحتجاز وذلك عبر تسجيل بيانات الحالة في استمارة خصصت لذلك، سواء كانت أسباب الاحتجاز سياسية أو جنائية

ومن بين تلك الحالات ما ذكره الصحفي سامحي مصطفى والمعتقل منذ 3 سنوات على خلفية قضية "غرفة عمليات رابعة"، حيث قال في خاطرة له عنونها بـ"مستشفى الليمان الموت ينتظر" ونشرها عبر حسابه على "فيس بوك": "حينما تدخل مستشفى الليمان وترى النظافة والجو الجميل والشبابيك اللي بتطل على الخضرة الجميلة اللي اتحرمتنا منها 3 سنوات والحمامات النظيفة غير بقي السراير اللي الواحد قرب ينساها فعلا حاجه تبهرك وتقول فيها ايه لما تكون السجون كذا".

وأردف: "بس مع الانبهار وهذه الاشياء الجميلة وان هذا امر طبيعي لاستقبال المرضى وعلاجهم ... الا انك لا تتخيل او تتصور ان الموت ينتظرك على احدى هذه الاسرة او انك ستفقد بصرك او ستصاب بأمراض اخرى غير التي تعاني منها".

وأضاف سامحي: "دخلت مستشفى الليمان لكي يتم ترجيلي الى مستشفى المنيل الجامعي لاستكمال العلاج ولكن قابلني احد اصدقائي قال لي انت قدامك شهرين تلاته علسان يتعملك ترجيله وممكن ترجع سجنك من غير اصلا ما تتعالج، قولتله ياعم مش للدرجة دي".

وتابع: "طيب بص اللي في السرير الأول دا عنده تشوه فى القرنيه وليه 6 شهور هنا ومحصلش معاه حاجه خالص، شوف اللي جمبه دا محتاج عملية قلب مفتوح ومنتظر ترجيله للمنيل علسان يعمل أشعه بقاله 6 شهور، شوف الراجل دا عنده سرطان ومنتظر ترجيله معهد ناصر ومحصلش معاه حاجه، ودا فقد عينه بسبب الاهمال ودا المفروض يعمل قسطره على القلب وليه أكثر من سنه، بص السرير دا بقي كان واحد دخل المستشفى هنا وعنده سرطان قطره 3 سم في المثانه نتيجته الاهمال الطبي تمكن السرطان من ثلثي المثانه ومات هنا".

وقال: "قولتله يا عم أنا موضوعي سهل والترجيله هتيجى عطول، قالي انسى وهنشوف، صديقك الصحفي محمد العادلي موجود هنا المفروض يعمل أشعه زنين ومحصلش معاه حاجه، دا أنا كنت عايز أقولك الحالات اللي فى ملحق المستشفى المرضى كلهم فى مكان واحد، الأمراض على مختلف الأنواع درن وفيرس c وعظام وامراض اخرى ... الخ".

وأكمل سامحي: "بالفعل أنا لى أكثر من شهر ونص متعملش ليا ترجيله حتي الآن والوضع هنا صعب بالفعل وإداره المستشفى تتعامل مع المرضى على إنهم جايين يقضوا فترة راحة وبعدين يترطو للسجون بتاعتهم مره اخرى فى ناس أميب بأمراض بسبب عدم تعرضهم للشمس وعدم المتابعه الطبيه والاهمال الطبي".

وطالب في ختام حديثه: "محتاجين لجنة طبية ولجنة حقوق الانسان تيجي تشوف الحالات دي قبل ما تدهور حالتهم ويفارقوا الحياه وتسمعوا أخبار إن ناس ماتت فى المستشفى".

وقد تداول ذو المعتقلون حالات الاهمال الطبي عبر وسم دشنوه تحت اسم "الاهمال الطبي قتل متعمد"، فقالت الناشطة الحقوقية منى سيف: "اللي بيحصل فى السجون امتناع عن تقديم رعاية طبية، تعطيل اجراءات العلاج للمساجين السياسيين والجنائين عن قصد".

وتساءلت منى حامد: "حالات سرطان وشلل وكسر في العمود الفقرى يتعمل ايه فى السجون اللي مافيهاش أدني قواعد الصحة العامة،

مش بس مافيهاش علاج ولا فيها عربيات إسعاف ولا عربيات نص آدمية ليه؟؟؟".

وعلقت الناشطة السياسية ليلى سويف: "الحقيقة إن الحالات اللي زي دي ماينفعش تبقى في السجن خالص حتى لو كانت سجون مثالية لو في ضرورة حقيقية لاحتجازها يبقى الاحتجاز يكون في مستشفيات متخصصة (مش في مستشفيات السجن اللي هي حتى لو كانت مستشفيات بجد مش ممكن حتكون مجهزة للتعامل مع الحالات دي) ولو مافيش ضرورة للاحتجاز يتم إطلاق سراحهم بأي ضمانات، ولو واخدين أحكام العفو الصحي اتعمل علشان الحالات اللي زي دي".

وقالت سلمى شقيقة الصحفي المعتقل خالد سلوب: "رئيس مباحث السجن هدده وقاله لو مافكتش الإضراب هنسيبك تموت ونكتب هبوط حاد في الدورة الدموية".

وأضافت: "والله ما عرفته، خاسس 50 كيلو، كان على كرسي متحرك وقاله إنه مش عارف يحرك رجله ومش مستحمل الألم وإن معدته بتتقطع، وماكانش حتى عارف ولا قادر يتكلم".